

**Kalaallit Nunaanni aalisarnermi pisarineqartut isumalluutinik atuinnermut akitsuutaat pillugit Inatsisartut inatsisaata allangortinneqarneranik Inatsisartut inatsisaat**  
(Aningaasaqarnermut Nunamullu Namminermt Naalakkersuisoq)

**Saqqummiussissut**

(Aningaasaqarnermut Nunamullu Namminermt Naalakkersuisoq)

**Siullermeerinnineq**

Matumuuna Naalakkersuisut sinnerlugit Kalaallit Nunaanni aalisarnermi pisarineqartut isumalluutinik atuinnermut akitsuutaat pillugit Inatsisartut inatsisaata allangortinneqarnissaanut inatsisissatut siunnersuut saqqummiutissavara.

Kalaallit Nunaanni aalisarnermi pisarineqartut isumalluutinik atuinnermut akitsuutaat ulloq 1. januar 2018-imi atulersinneqarpoq. Akitsuusersueriaatsip nutaap atulersinneqarnerata kingorna, inatsisip 2018-imi ukiakkut arlalinnik nalimmassarneqarneranut atatillugu, suliffeqarfiit inuinnaallu ilanngaassisussaatitaasut akitsuummullu akiliisussaatitaasut, akitsuummik toqqammavigisanik nalunaaruteqarnermut atatillugu akileeqqussutit il.il., nalunaarutiginninnermut tunngavissaatinneqartut pillugit manna tikillugu aalajangersakkat, inatsimmit peerneqarnissaat aalajangerneqarpoq.

Taamanikkut akitsuummik allaffissornermi nakkutilliinermilu ingerlatsinermi tamatuma pisariaqanngitsutut isigineqarnera allannguinnermut tunuliaqutaavoq, Akileraartarnermummi Aqutsisoqarfik, aqutsisoqarfiup nalunaarutigineqartunut tunngavissanik misissuinissamik siunertaqartilluni, qanorluunniit pisoqartillugu ilaatigut Akileraaruserinermik ingerlatsineq pillugu Inatsisartut inatsisaanni § 59 naapertorlugu paasissutissanik attuumassuteqartunik pissarsisinnaanermut periarfissaqareemat.

Aammattaarlu nakkutilliineq siunertaralugu atortussanik pissarsiniartarneq ajornakusoortoq paasinarsivoq, taamaammallu ingerlaavartumik akitsuummik nakkutilliinissaq ajornakusoorpoq.

Taamaammat siusinnerusukkut aalajangersakkat suliffeqarfiit inuinnaallu ilanngaassisussaatitaasut akitsuummullu akiliisussaatitaasut, akitsuummut tunngavimmik nalunaaruteqarnermut atatillugu akitsuusiinermi tunngavigineqartut akileeqqussutit il.il. assilineranik ilanngussinissamik pisussaaffeqarnerata atuliseqqinneqarnissaa siunnersuutigineqarpoq.

Uppernarsaasiissutinik ingerlaavartumik tunniussinerup Akileraartarnermut Aqutsisoqarfiup nakkutilliinissamik periarfissaanik pitsaanerulersitsillunilu, akitsuutinut akiliutit ingerlaavartumik nakkutiginninneranik ajornannginnerulersitsissaaq.

Uppernarsaatissatut katersorneqartut naatsorsueqqissaarnermik misissueqqissaarnermillu siunertaqartumik atugassatut ingerlatsinermi oqartussaasunut allanut tunniunneqarsinnaanerat ilanngullugu siunnersuutigineqarpoq.

Siunnersuut iluanaarutigut allaffissornikkulluunniit annertunerusumik  
sunniuteqassangatinneqanngilaq.

Naggasiullugu inatsisissatut siunnersuut tassungalu nassuiaatit innersuussutigissavakka.

Naalackersuisut sinnerlugit taama oqaaseqarlunga siunnersuut Inatsisartunut  
oqaluuserisassanngortippara.